

第一章 粵東明末之時代

廣州當明末之際。人心搖動。朝不保夕。南海陳孝廉邦彥。名震當時。以粵亡在睫。遂起義師。是年戊辰八月。清兵分隊由湖南取道大庾嶺而入廣東。邦彥堅拒月餘。至十月初一敗之。被清軍所擒。佟養甲戮彥於市。邦彥就刑時談笑自若。神色不變。清兵當下勢如破竹。惟尙未直下廣州城。先是蘇觀生當清兵未至粵境時。由福建敗師而逃粵。立唐王於廣州。過三水不赴肇慶。適唐淮諸王。航海至廣。得擁而立之。復號紹武僉曰。今上監國詔盡頒矣。天下豈不有知立新君乎。冬十月。永明王先已即位於肇慶。後謂觀生曰。兩帝自樹。國紀不祥。觀生不聽。十二月清兵入廣州城。殺唐王蘇觀生。當九月二十日。漳州府已降清。貝勒分命副總兵李成棟。率兵二千五百名取廣東。以佟養甲督之。潮惠兩府十五日有十餘騎分行入城。無一敢抗拒。各宗室皆被戮。潮州山寨又擁立趙王。未幾。趙王自知爲螳臂當車。不可禦敵。即自削髮爲僧。奔粵城居於光孝寺。得以保存生命。廣州知府陸元機。此人本有謀畧。佟妒之。勒令在元妙觀自縊。禮部尙書陳子壯以探花起家。極有肝胆。當破廣州城時

爲修養甲所執。終以陳之才可用。故惜而不戮。暗命李成棟勸其薙髮降清。子壯誓死不服。復用惡言大罵李成棟曰。汝是明臣漢種。何無恥而降異族。旣降之。而又復殘同種以獻媚於異族。今汝心如此。上不能盡忠以報國。下不能盡義以救同胞。雖犬豕之不若。今汝欲吾與汝同惡相濟。媚異族而賊同種耶。此等不義之舉。吾寧死而不爲。吾豈學汝之無恥無血乃爾。李成棟被罵。無一言駁復。因而老羞成怒。深恨刺骨。竟施以刀鋸酷刑。陳笑謂李曰。鋸人須用板。方可着手也。吾豈畏刀鋸乎。就刑時。面不改色。復悠然自謂曰。書可讀。不可試。田可耕。不可置。味此語意。蓋爲警囑一般亡國遺民。切切不與清官交易也。及其受鋸時。歷久鐵鋸不入。李復用其語。以兩板夾之鋸死。可憐明代忠臣。身如一大木。分破爲二。肉血狼藉。肝腦塗地。可謂慘矣。相傳其臨刑時。口占五絕詩一首。及誦至末句。已心死不能完句。諺曰。忠臣不怕死。子壯是之謂焉。時城廂內外士庶見而悲硬。南海九江一隅。星夜聚衆數萬人。議起義師攻復省城。中有朱學衡義士自破家財以報軍糧。即日備齊衣甲器械。壯士武夫。旌旗蔽日。劍戟冲天。出師未越十里。爲李成棟所敗。盡戮之。陳義士被執而縛赴。赤身懸於樹上。令各兵士。皆援弓而射之。有矢貫其臍者受上賞。

一時各貪利兵士。援弓上前。爭先恐後。陳義士身如漑花之水器。腸血滴出。清兵之威。自此人人莫不震慄。

永明王故事

清兵已攻取粵城。惠潮兩府亦已得手。唐王蘇觀生被殺。惟永明王立於肇府。兵部尙書呂大器。兩廣總制丁魁楚。均入閣辦事。吏部侍郎兼閣學廣西巡撫瞿式耜。掌銓事。丁魁楚因閩汀之變而失雄。故至肇。閩首揆何吾騶亦自閩歸遁香山。一日瞿式耜憂曰。朝廷已裂。國胙去矣。今粵東已去半境。惟肇尙有一息僅存。曷可一日無君乎。須臾又謂魁楚曰。公乃一制府也。帶甲五嶺。甯坐視顛危乎。彼發此意。欲魁楚起兵而抗拒清。故急召呂大器至。李永茂因回家守制。聞瞿之議。遂不召而至。瞿遂開言曰。永明王甚賢明。何不與公建一旅之師。以復故土。怎知蹈於宋末文天祥之故輒。時永明王瞿式耜等皆被清兵盡滅矣。先是冬十月十四日。永明王即位。迎王子於梧州。王三辭。王太妃亦辭。并謂當此危急存亡之秋。恐不勝其大任。願先生擇賢而任之。羣臣再四敦請而後就。是年改元永歷。卽位之日。和風藹蕩。旭日光明。五色祥雲盤繞庭階之上。更有大鳥一羣。從南而至。集鳴殿角。當時士民歡呼。咸謂中興可

卜。瞿故頒詔楚滇黔蜀軍士。共起義師。以圖恢復。

第二章 兩王入粵之威史

靖南王。耿仲明。字雲臺。先世山東人。後徙遷遼東。大將軍毛文龍養爲孫。名有傑。軀偉善戰。遼東巡撫袁崇煥與毛文龍不睦。崇煥聲威。有不服其命令者。出劍斬之。毛故被斬。令仲明與島將孔有德。同隸於山東巡撫孫元化麾下。會東師出兵。而軍餉不繼。仲明顧謂有德曰。大將軍要合義師。跋涉荒陬。萬死以復疆宇。而卒之寃死。我與若置几上肉耳。可鬱鬱久居此乎。有德然之。遂率衆歸清。仲明亦牽其衆而歸。得封懷順王。後從順治入關。至乙酉。復同孔有德尙可喜二人率兵南下。行至吉安。仲明率於軍中。其子繼茂繼封藩爵。精忠其孫也。繼茂與可喜同入粵東。有德入廣西。

平南王。尙可喜。遼東人。毛文龍養爲孫。名永喜。善謀畧。官遊擊。及文龍被崇煥斬後。率兵歸清。得封智順王。順治佐定天下。改封平南王。順治四年。同定南王孔有德。靖南王耿仲明。及噶喇賴其焦奈監拜平湖南。克捷六年。復同靖南王嗣繼茂平廣東。遂命鎮守其地。開府廣州。有子女一百三十餘人。長尙